

閩媛典第二百三卷

閩節部列傳八十五

明八十 陳應詔妻葛氏

按泰州志葛氏工部主事陳應詔妻夫亡年二十矢志若金石撫子於蕃爲諸生蚤沒媳章氏年二十三與姑同處一室鞠遺孤元鼎自襁褓爲諸生有司並給以粟帛

徐冕妻盧氏

按泰州志盧氏適海安鎮民徐冕年二十五夫亡時子燿方幼盧許以身殉勺水不入口者五日忽假寐若有告之者曰爾死矣奈孤何乃強起食貧教子幾四十載燿舉戊辰進士上疏建坊

沈行可妻李氏

按泰州志李氏戶部主事李彬女諸生沈行可妻可早亡無嗣僅一女李年十七守志無貳萬曆中有司旌之仍給以粟帛

吳柏妻桑氏

按如皋縣志桑氏豐利大定女正德間適同里吳柏年十九而柏亡時方娠五月舅姑老且病薄有貲產族人睥睨其間圖欲嫁之桑拒曰舅姑在堂而血孕在腹妾何之越半載生子軒族人故疑而索觀桑抱示之曰男也自後卽不令族見虞有意外逮長爲娶婦生五孫而軒切桑復課諸孫耕讀俾各就業萬曆中年八十有二卒

吳崇仁妻劉氏

按如皋縣志劉氏白蒲劉慶女年十八歸吳崇仁閨二年生子甫六月而仁亡又一年而翁沒求者合謀甚衆氏不爲動自江漕抱子徙居城去田廬五十里一婢梅花侍而糗糲時不給常命梅花貸米于所親會大雨傾跌泥中徒手歸劉不愠責曰幸有乳啖兒勵冰操四十餘年卒課其子爲名士年六十六終

宗傳繼妻高氏

按如皋縣志高氏邳州守宗傳繼妻贈金吾大將軍高某女也傳年踰五十失偶擇配於郡得高氏年二十三來歸椎布操作克勤克儉事姑梅以孝聞隨任邳州歸傳疾卒高年二十九子然一身執

節四十年教子孫寢昌

石京妻張氏

按如皋縣志張氏安肅丞藻之妹廩生石京妻京亡氏年二十六無子撫從子成章爲嗣親授句讀備極苦心及成章爲諸生額手自慶曰亡夫青箱有託吾無憾矣遂委家事朝夕虔誦梵音年六十卒

王熙妻陳氏

許字妻馬氏

按如皋縣志陳氏王熙妻熙死陳尙少念姑孀子幼因以不死母家以其貧欲奪陳節陳終身不歸竄盜竊其衣尋復還之臺省以聞於朝旌其節 按如皋縣志馬氏諸生許字妻字蚤亡氏年十

九生子女各一女三齡子二齡氏堅守歷四十九年終

許汝詔妻蔣氏

按如皋縣志蔣氏省祭蔣謨女諸生許汝詔妻年十七歸汝詔閨十年汝詔病之氏痛絕不欲生行念姑老無養而諸孤靡託乃忍死須臾以待孤成立值歲凶針黹不給典鬻殆盡糧惟黍姑不能甘

氏常自餓竟日積黍易米以奉姑子稍長課子讀書次子文燃充博士弟子員末年漸得生色而文燃又不祿氏因傷悼疽發於背少子文炳口自吮之焚肌醺天願減算以益母疽旋愈壽終臺司監司皆表其閭

秦承業妻張氏

按如皋縣志張氏張之恩女年及笄歸秦承業業病張宵衣侍臥起旬月不衰迨亡張年二十五遺孤應祥方七月家稍豐族人利所有謀奪其志生端搆訟無所不至張秉志愈勵備嘗慘悴坐是家遂替僅餘田十四畝日從事女紅以佐饗殮猶時奉滫瀡承舅姑歡藜藿僅充晏如也應祥長克振其家而氏攻苦操作至老不倦冰心雪骨六十餘年如一日諸當路請於朝建坊旌表年九十三終

蔣一陽妻吳氏

按如皋縣志吳氏蔣一陽妻年十七歸陽闔二歲方娠而陽亡又闔月曾祖姑及王舅相繼俱喪氏盡鬻其產半舉三喪半以奉姑饘粥彌月生子鳴驚值歲饑盜入其室氏擁姑抱孤訴其艱苦盜感泣去未幾姑沒墟莽間鬼火夜青且漸逼氏語鬼曰吾初心死不易也鬼輒哭有聲自茲遂絕既服

閼惡族利其產謀嫁之誣以訟旋得白慮傷其孤遷學宮傍擇學行俱優者與締姻藉以教其子脩脯不給仍續絰佐之鳴驚卒爲諸生有聲疊序縣令李衷純請於學使資以粟帛旌其門

范源妻叢氏

按如皋縣志叢氏范源妻全茗州別駕希曾母也祖明經父文學代以文章名世幼習書史長而能文父祖咸奇愛之曰惜無女科當作女秀才氏斂衽前對曰女子所重者固不在文藝此特竊祖父緒餘耳及笄歸源源嗜學無間寒暑不數年以消渴亡氏上事髦翁下撫藐孤茹荼飲蘖二十餘年希曾既長個儻不羣歷判廣西全茗歸曾孫端後任戶部員外郎

吳汲禹繼妻朱氏

按如皋縣志朱氏吳汲禹繼妻年十六歸禹僅二月禹亡禹先娶於冒生子綦仲方七歲氏撫之五載而後歸母家父母語曰吳氏子非爾出何自苦乃爾朱正色曰分也何苦之有于是告父母乘一小車歸率兩小婢紡績課兒讀書柩側十餘日方一啟戶通有無閱十年出其紡績之餘爲子婚娶及營夫葬事綦仲生三子而沒氏復撫之如初年七十有八無疾而逝

章植妻胡氏

殷愛妻宋氏

成佩妻陸氏

按如皋縣志胡氏鉅野令繼祖女歸章植生一女年二十二而寡父祖勸再適氏斷髮矢志攻苦茹素歷五十年終

按通州志宋氏殷愛妻年二十而寡子方匝月事八十翁姑竭力以奉甘旨生

事死葬無憾里人爲之祠祀萬曆中旌表

按通州志陸氏成佩妻年二十四而寡閨範嚴飭內外肅然茹貧教子午夜課書不輟子成明經年八十有三萬曆中旌表

李玠妻張氏

張德妻周氏

張夢陽妻李氏

按鳳陽府志張氏李玠妻萬曆時人夫亡氏年二十子女俱無守節歷五十年卒

按鳳陽府志

周氏張德妻年二十三夫亡養姑撫女無有他志姑有疾嘗割股以救有豪鄰與其族謀之周斷髮欲自刎得完其節事聞旌表

按鳳陽府志李氏張夢陽妻年十八夫亡無子家貧苦節內外不相授受年七十餘卒泗州顯忠之族女也

戴惺繼妻李氏

胡環妻戴氏

王命妻崇氏

按鳳陽府志李氏戴惺繼妻夫亡撫前妻子終身

按鳳陽府志戴氏胡環妻夫亡青年守節皓

首如初 按鳳陽府志崇氏王命妻年二十二夫亡撫幼孤守節四十餘年

胡士選妻曹氏 許學易妻張氏 貢登妻丘氏

按鳳陽府志曹氏胡士選妻少寡守節沒齒不渝 按鳳陽府志張氏許學易妻年二十五夫亡

奉姑教子備歷艱苦五十年終 按鳳陽府志丘氏貢登妻年十七夫亡守節撫遺腹子成立以疾終

王蘊妻陶氏 張天駟妻王氏 鍾夢斗妻張氏

按鳳陽府志陶氏王蘊妻年二十六夫亡無嗣遺產盡與夫弟姪時就女養或勸他適嚼磁矢志血淚淋漓年八十餘卒 按鳳陽府志王氏張天駟妻年二十七夫亡撫幼女終身 按鳳陽府

志張氏鍾夢斗妻貧窶某孫女年二十夫亡苦守遺孤終老

顧自樂妻陳氏 陳所聞繼室周氏 胡遵範妻錢氏

按鳳陽府志陳氏顧自樂妻年二十二夫亡力貧撫孤終其身 按鳳陽府志周氏陳所聞繼妻

夫亡撫遺孤孀居四十年卒 按鳳陽府志錢氏胡遵範妻年未二十夫亡撫遺腹子辟纘自給

古今圖書集成
終其身

吳國璽妻吉氏

黃有儀妻王氏

陳坤妻貢氏

胡氏附

按鳳陽府志吉氏吳國璽妻適璽二載夫亡撫六月子苦守終身

按鳳陽府志王氏通判黃有

儀妻年二十五夫亡守志終老

按鳳陽府志貢氏陳坤妻年十九夫亡撫遺腹子學詩爲諸生

詩亡與媳胡氏同撫孫操相依終老有司題請建坊

陳大功妻徐氏

陳從周妻常氏

胡錦妻林氏

按鳳陽府志徐氏陳大功妻年二十四夫亡家貧撫子忠言爲諸生萬曆中建坊旌闕

按鳳陽

府志常氏泗洲大叅魯軒先生女陳從周妻夫亡無子氏年十六刻勵貞操閉處一樓萬曆中直指

以聞建坊旌表

按鳳陽府志林氏胡錦妻夫亡氏年二十撫孤胡詔鄰人張禮謀強娶之林剪

髮欲投井乃免有司旌表

方亮妻陳氏

史瓚妻劉氏

呂應鍾妻凌氏

按鳳陽府志陳氏方亮妻夫亡撫孤旣長而沒氏守益堅州司上其事詔旌表

按鳳陽府志劉

氏史瓚妻奉姑甚孝生子繼宗一歲瓚亡氏撫宗苦守三十年宗死獨居終老 按鳳陽府志凌

氏指揮同知呂應鍾妻鍾早歿氏年二十二孝事翁姑撫訓三子長兆渭爲晉守卜次渭入太學季

載渭官鴻臚氏贈淑人

張仲全妻卞氏 蔣宗妻陳氏

按鳳陽府志卞氏張仲全妻夫亡氏斷髮守身訓子士行得蜚聲上舍年七十三巡方入奏建坊

按鳳陽府志陳氏蔣宗妻年二十六夫亡無子守節五十年詔旌表

程百母孫氏

按鳳陽府志孫氏程百母夫亡孫年二十四百在腹僅四十餘日百生氏蓬垢不飾躬親操作歷節六十餘年卒百念母廬墓三年晝則負土夜則飲泣誦經常絕糧至再日不食有巨蛇偃臥相依鄉人異之

丁鳳翔妻李氏

按鳳陽府志李氏諸生丁鳳翔妻夫亡氏年二十三忍死以撫幼子姑嘗有疾刲股救之父永福無

古今圖書集成
子氏力請立嗣爲教養成人于資財毫髮無取以一寡婦撫及兩姓可謂節義兼至詔旌表

徐梁妻楊氏

按鳳陽府志楊氏徐梁妻夫早亡守節先是梁有姪應時甫數歲早孤楊撫之如己出爲婚娶析產未幾應時歿遺孤未匝月楊仍收育之年六十臥病不起會長子璧燦入泮喜曰吾猶得見子帶儒冠可以見死者於地下矣

趙登雲妻張氏

按鳳陽府志張氏體乾女孫趙登雲妻雲亡張曰從死所願也奈藐孤何于是肅內外崇勤儉撫子女稱未亡人先是登雲任司城道出山東見餓羣流離載道上疏願輸粟三千石助國家賑濟命下日登雲已殂張仍資至京師以成夫志詔旌之後子亦授司城

王之尹妻趙氏

呂處士妻梅氏

張坤妻鄧氏

按鳳陽府志趙氏王之尹妻尹死氏事衰姑撫弱子歷兵火無變苦守五十餘年郡守以聞旌表

按鳳陽府志梅氏呂處士妻處士死事孀姑若孝子教弱子如嚴父直指題其門
按鳳陽府志

鄧氏張坤妻年十八夫亡撫孤守志六十餘年

戴彬妻李氏

按鳳陽縣志李氏皇陵衛鎮撫李珍長女百戶戴彬妻彬舊有癆疾氏易簪珥爲治藥必親嘗及危篤籲天願以身代彬亡氏年二十五遺孕七月扶柩痛哭三日不食親鄰苦勸方進糜粥越三月生紹引舅姑年八十無三尺童僕家計寥落工紡績以延歲月萬曆十九年病亡年七十奉詔旌表紹引以征倭死難

田華妻黃氏

蕭佐妻韓氏

潘麒妻楊氏

按鳳陽縣志黃氏田華妻歸二載華亡舅姑衰老子甫三月且貧甚黃矢志守節磨粉績紬以奉甘旨教子濟廣補邑諸生 按臨淮縣志韓氏鳳陽衛舍餘蕭佐妻年二十夫亡矢志孀居貞一不

二事聞旌表

按臨淮縣志楊氏潘麒妻年二十三麒亡守節年七十八卒有司旌之

趙昇妻謝氏

趙憲妻吳氏

吳璋妻周氏

按臨淮縣志謝氏鎮撫趙昇妻年二十七守節冰檠一心始終無二有司旌之

按臨淮縣志吳

氏鎮撫趙憲妻年十八憲歿撫遺孤繼先襲陞指揮使學使旌之

按臨淮縣志周氏廩生吳

璋妻年二十七璋亡撫子庚爲諸生苦節五十七年縣令旌表

朱珍妻凌氏

丁鳳妻金氏

楊正和祖母陳氏

按臨淮縣志凌氏儒生朱珍妻年十九珍亡遺孤一歲誓死靡他操履肅慎翁姑遇之頗嚴能曲意盡孝教子成立歷五十七年縣令旌表 按臨淮縣志金氏諸生丁鳳妻年二十鳳亡撫孤守志凜若冰霜歷節五十四年旌表 按臨淮縣志陳氏楊正和祖母年二十二夫亡苦志守節上事七旬孀姑下撫八月孤子辛苦二十餘年縣令旌表

朱永祚妻任氏

王深妻林氏

魏烈妻劉氏

按臨淮縣志任氏朱永祚妻年二十六祚亡冰蘖自矢族人有羨其髮者氏怒剪去之晝夜哭泣昏其一目奉八旬姑育三歲子皆盡其道縣令旌之 按臨淮縣志林氏鳳陽衛前所舍人王深妻

年二十八深亡守節終身年九十五卒有司並旌之

按臨淮縣志劉氏魏烈妻年二十六烈亡

遺子二歲勵志撫孤事翁姑甚謹終始一節歷四十七年

李執中妻王氏

蔣綱妻袁氏

陳法妻李氏

按臨淮縣志王氏李執中妻年十九適執中甫二期執中亡氏撫遺孤苦節四十三年學使旌表

按臨淮縣志袁氏鳳陽衛舍餘蔣綱妻年十九綱亡矢志守貞持冰霜七十三年郡守表其門

按臨淮縣志李氏陳法妻年二十五法亡無子勵志守節歷艱苦四十年縣令旌表

按臨淮縣志袁氏鳳陽衛舍餘蔣綱妻年十九綱亡矢志守貞持冰霜七十三年郡守表其門

按臨淮縣志李氏陳法妻年二十五法亡無子勵志守節歷艱苦四十年縣令旌表

金煥妻劉氏

俞化龍妻李氏

黃行素妻李氏

按臨淮縣志劉氏諸生金煥妻年三十煥亡無子氏矢志守節漬苦自甘奉事孀姑克盡婦職姑沒

持節愈堅縣令旌表

按臨淮縣志李氏醫官俞化龍妻年二十六夫亡子方七月苦志四十六年撫孤成立縣令旌其門

有文名縣令旌表

章曉妻王氏

吳謚妻錢氏

按臨淮縣志王氏名妙善章勝妻年二十適勝僅二年夫亡子永福甫週撫之及弱冠而天婦俞氏無出事王盡婦道姑婦共守終身有司奏聞旌表 按定遠縣志錢氏諸生吳諡妻處士錢樂菴女年十七適諡二載生子風美方數月夫病亡氏堅守苦節以勤儉治家義方課子俾世其家業年九十七終萬曆末年建坊旌表

陳一鳳妻仇氏

按虹縣志仇氏陳一鳳妻夫病篤子甫週歲氏懷其子語夫曰君上有雙親下有孤子必期奉若親育若孤以存若後有違此言其陰殛我已而夫亡氏鬻銀釧勤織維勉奉翁姑教子成立翁姑相繼歿哭踊殯斂如禮平居嚴毅無歡容人不敢犯萬曆間旌表

孟光先妻梁氏

按虹縣志梁氏孟光先妻歸先越期先亡子應太方妊家徒四壁炊烟屢絕而冰操愈堅及生太自慰曰孟氏有後矣因撫之成立誨以禮義閨門之內撫若嚴師太卒成諸生萬曆間縣令旌表

姚伯羣妻譚氏

胡珠妻金氏

按虹縣志譚氏姚伯羣妻年二十三夫亡撫孤守志六十一年如一日萬曆末縣令申請旌其門
按天長縣志金氏庠生胡珠妻夫亡氏年二十二遺腹婉男人給以女氏捶脅幾死旣驗之則男也
遂賴以爲生年近九十子姓計若干人皆氏一綫之遺萬曆初旌表

李方膺妻陳氏

按合肥縣志陳氏李方膺妻萬曆丁未進士李文郁母膺棄儒行賈年三十客亡陳聞訃觸堦哀號
累日不食匍匐迎喪江行舟幾覆者數次僅得完櫬以歸時文郁方齟齬陳教之成人翁年八十時
臥病牀褥夢中若有人告曰亟易乃翁寢陳驚起扶舅過別榻而室傾矣氏年八十見子成進士享
祿養十餘年奉詔建坊

龔銓妻王氏

陸氏附

按合肥縣志王氏龔銓妻夫歿氏年二十八子濂甫四歲又嬰弱疾舅姑老王事上鞠下二十四年
如一日濂旣娶而沒媳陸氏年二十七事王盡孝養子承先甫七歲撫之及長領鄉薦教孫萃肅登
進士爲御史奏聞奉詔建坊曾孫鼎孳累官禮部尙書代稱貴顯

李可教妻蔣氏

按合肥縣志蔣氏儒士李可教妻少讀列女傳以賢淑聞年二十而孀子光元未彌歲舅姑老勤織紉以供甘旨課光元爲名諸生光元歿教孫當泰舉丁卯鄉薦爲經魁氏年八十卒

王一龍妻李氏 李箕妻胡氏

按合肥縣志李氏儒士王一龍妻一龍早亡氏年十九子思孝思恭方襁褓苦節撫之及長俱列膠序神宗朝詔有司旌表年七十有三 按合肥縣志胡氏儒士李箕妻年十六適箕未三歲箕亡遺孤收春甫一齡苦節撫教爲諸生又沒復撫孤孫可培亦天氏年七十五終

王浣妻徐氏

按合肥縣志徐氏王浣妻年十八適浣六載浣病彌留之際語徐曰我脫死汝幸擇嫁毋自苦徐不言而泣浣亡哭絕復甦毀容自誓足不渝闕每食設夫匕箸如生時苦節五十年建坊旌表

石填妻張氏

唐俊妻劉氏

晏氏附

按滁州志張氏生員石填妻萬曆辛卯填鄉試南渡溺於江氏聞痛哭欲絕苦節數十年年八十歿